



PRIJEDLOG

PROGRAM POTICAJA U POLJOPRIVREDNOJ PROIZVODNJI OPĆINE MAGLAJ ZA 2019. GODINU

IZRADILA:
Služba za privredu, finansije/financije
i razvoj poduzetništva

Maglaj, april 2019. godine

PROGRAM
POTICAJA U POLJOPRIVREDNOJ PROIZVODNJI
OPĆINE MAGLAJ ZA 2019. GODINU

UVOD

U skladu sa Zakonom o poljoprivredi („Sl. novine FBiH“ broj: 88/07) u kome je navedeno da jedinice lokalne samouprave mogu osigurati novčane podrške za razvoj poljoprivrede, te na temelju člana 8. Zakona o principima lokalne samouprave, („Sl. novine FBiH“ broj: 49/06), u Budžetu/Proračunu Općine Maglaj za 2019. godinu predviđeno je 190.000,00 KM za poticanje poljoprivredne proizvodnje, što predstavlja kontinuirano izdvajanje sredstava iz budžeta/proračuna za poljoprivredu na području općine Maglaj.

Poticajna sredstva će se prvenstveno usmjeriti na poticaj poljoprivrednih gazdinstava/gospodarstava koja u svom radu postižu značajne rezultate u cilju stvaranja, jačanja i proširenja obiteljskih gospodarstava i obrta, te na poljoprivredne Zadruge i Udruženja čiji članovi doprinose cjelokupnom razvoju poljoprivrede i razvoju ruralnog dijela općine Maglaj.

S obzirom da su usvojeni strateški dokumenti „Strategija razvoja općine Maglaj 2012-2020“ i „Strategija razvoja poljoprivrede općine Maglaj 2017-2021. godina“, sredstva koja su iz ovog dijela budžeta/proračuna opredjeljena za poljoprivredu uglavnom će se usmjeravati ka razvoju strateških ciljeva poljoprivredne proizvodnje i ruralnog razvoja na području cijele općine, odnosno subvencioniranje poljoprivrednika koji doprinose opstanku i proširenju postojeće poljoprivredne proizvodnje, modernizaciji poljoprivredne proizvodnje, a samim tim i povećanju prihoda u vlastitom domaćinstvu.

Osim budžetskih/proračunskih sredstava Općine Maglaj, ostala donatorska sredstva i druga sredstva koja su namijenjena za razvoj poljoprivrede bit će usmjerena u različite sektore poljoprivredne proizvodnje koji su u skladu sa usvojenim strateškim dokumentima općine Maglaj, kako bi se nadomjestila i nadogradila potpora za one proizvodnje koje se u 2019. godini nisu mogle podržati iz budžetskih/proračunskih sredstava ili su ta sredstva bila nedostatna za održivost proizvodnje.

Sa podizanjem poljoprivredne proizvodnje na viši nivo reflektiraju se višestruke koristi za lokalnu zajednicu:

- Jača se lokalno poljoprivredno domaćinstvo;
- Smanjuje se broj nezaposlenih lica sa evidencije Zavoda za zapošljavanje;
- Smanjuje se pritisak na Budžet/Proračun u dijelu novčane podrške socijalno ugroženih kategorija stanovnika;
- Povećava se količina obrađenih poljoprivrednih površina;
- Osigurava se opskrba stanovništva i lokalnih trgovina, firmi domaćim lokalnim i jeftinijim proizvodima;
- Stvara se ambijent za razvoj privatnog poduzetništva u okviru poljoprivrednih gazdinstava.

OPĆI UVJETI

Poljoprivrednici koji nisu upisani u Registar poljoprivrednih gazdinstava/ gospodarstava (RPG) i Registar Klijenata (RK) nemaju pravo na ostvarivanje poticajnih sredstava namijenjenih podršci u poljoprivredi i ruralnom razvoju.

Opredjeljena sredstva poticaja će se rasporediti u omjeru 60% za animalnu (stočarsku) proizvodnju i 40 % za biljnu proizvodnju, sa mogućim odstupanjima ± 5 % od jedne ili druge navedene proizvodnje.

Poticaj se može ostvariti i po dva osnova kod poljoprivredne proizvodnje za sljedeće vrste biljne proizvodnje: maline, krastavci-kornišoni, paprika feferon, aronije, borovnice i plasteničke proizvodnje, kombiniranjem proizvodnje dvije od navedenih kultura. Za sve ostale proizvodnje poticaj se može ostvariti samo po jednom osnovu ovog Programa.

Za poljoprivredne proizvođače koji se bave biljnom proizvodnjom (izuzev proizvodnje kukuruza - silažni i merkantilni) i koji su registrovani po Zakonu o obrtu i srodnim djelatnostima u Federaciji BiH, odnosno kao d.o.o., uvodi se koeficijent od 1,1 koji se množi kod isplate poticaja. Isti će se primjenjivati i za sve one koji se u toku godine odlučuju na registraciju obrta odnosno d.o.o., do objave javnih poziva, s tim da se poticaj za poljoprivrednu proizvodnju ne može isplaćivati retroaktivno.

Dokaz koji služi kao osnova za obračun i isplatu je obavezno prilaganje rješenja o registraciji djelatnosti kao obrta, odnosno sudskog rješenja (za d.o.o.), kod prijave na javni poziv.

S obzirom na opredjeljena sredstva, mjere poticaja u poljoprivredi iz Budžeta/Proračuna Općine Maglaj u 2019. godini bit će usmjerena prema sljedećim sektorima poljoprivrede:

1. Poticanje intezivne stočarske proizvodnje (proizvodnja sirovog kravljeg mlijeka, pčelarstvo, peradarstvo–proizv. konzumnih jaja)
2. Poticanje biljne proizvodnje (plastenička proizvodnja, proizvodnja krastavca kornišona, uzgoj paprike feferona, proizvodnja jagodičastog i bobičastog voća, proizvodnja kukuruza - za tov junadi, tov svinja i tov brojlera, proizvodnja aronije i borovnice)
3. Ostale vrste poticaja za unapređenje poljoprivredne proizvodnje i ruralnog razvoja (projekti za zadruge i udruženja, i sufinansiranje ostalih projekata u poljoprivredi)

UKUPNO : 190.000,00 KM

Ukoliko se sredstva iz jednog sektora poljoprivredne proizvodnje ne utroše mogu se prebacivati u drugi sektor u skladu sa opravdanošću zahtjeva drugog sektora i to nakon isteka rokova predviđenih za podnošenje zahtjeva za određenu poljoprivrednu proizvodnju.

U slučaju da opravdani zahtjevi po kategorijama poticaja znatno premaše budžetom predviđena sredstva, visina poticaja će se smanjiti po jedinici mjere one kategorije koja je znatno premašila predviđena sredstva.

KORISNICI POTICAJA

Korisnici poticaja su:

1. Poljoprivrednici sa područja općine Maglaj koji na svom i/ili zakupljenom zemljištu na području općine Maglaj ostvaruju vlastitu poljoprivrednu proizvodnju i na taj način potiču razvoj ruralnih područja razvijanjem obiteljskih gazdinstava/gospodarstava. Pravo na poticaje ostvaruju poljoprivrednici, fizičke osobe, registrirani poljoprivredni obrti, poljoprivredna gazdinstva, te poljoprivredne zadruge i udruženja u ime svojih članova.
2. Poljoprivredni proizvođači koji ispunjavaju uvjete navedene u ovom Programu, Službi za privredu, finansije/financije i razvoj poduzetništva dužni su dostaviti zahtjev za općinski poticaj kompletiran sa dokumentacijom propisanom u ovom Programu.
3. Poljoprivredne Zadruge i Udruženja sa svojim programima navedenim u kriterijima ovog Programa, a kojim će obuhvatiti svoje članove.

Općinska resorna Služba za oblast poljoprivrede će u roku od 30 od dana podnošenja zahtjeva izvršiti provjeru korisnika na terenu.

Nakon provjere i obilaska prijavljenih korisnika Komisija će sačiniti prijedlog korisnika o ostvarivanju prava na novčanu podršku u zavisnosti od vrste i obima koji je propisan, te spisak dostaviti Općinskom načelniku koji donosi odluku o isplati poticaja.

I. POSEBNI KRITERIJI PO VRSTAMA PROIZVODNJE SA VISINOM POTICAJA I POTREBNOM DOKUMENTACIJOM

1. ANIMALNA PROIZVODNJA

1.1. PROIZVODNJA SIROVOG KRAVLJEG MLIJEKA (Po kvartalima)

Proizvodnja sirovog kravljeg mlijeka je jedna od glavnih grana stočarske proizvodnje na području općine Maglaj. Imajući u vidu činjenicu da uz sebe veže čitav niz različitih sektora poljoprivredne proizvodnje, predstavlja jedan od glavnih prioriteta izdvajanja poticaja u 2019. godini.

Poticat će se poljoprivrednici koji na svojim farmama imaju muzne krave obilježene ušnom markicom i koje su pod stalnom veterinarskom kontrolom. Za ostvarivanje poticaja potrebno je da se od strane registriranog otkupljivača odnosno prerađivača kravljeg mlijeka dostavi ovjeren spisak poljoprivrednih proizvođača sa područja općine Maglaj, sa navedenim isporučenim količinama kravljeg mlijeka po kvartalima.

Iznos poticaja isplaćivat će se 0,10 KM po jednom litru predanog mlijeka registriranom otkupljivaču odnosno prerađivaču, s tim da se iznos po jedinici mjere može i smanjiti kako bi se zadovoljila forma od 60 % od ukupno predviđenih sredstava za poticaj.

Poticaji za navedenu proizvodnju će se isplaćivati kvartalno, sa tim da se u tekućoj godini isplaćuje posljednji kvartal iz prethodne godine i prva tri kvartala iz tekuće godine, a sve zbog obračunavanja zadnjeg kvartala proizvedenog mlijeka u tekućoj godini koji završava sa datumom 31. decembrom/prosincom.

Visina poticaja može biti i manja po jedinici mjere, zavisno od ukupne količine predanog mlijeka.

1.2. PČELARSTVO (PROIZVODNJA MEDA) (Javni poziv)

Pravo na poticaj imaju poljoprivredni proizvođači pčelari, koji su članovi registriranog udruženja pčelara sa područja općine Maglaj, i koji imaju najmanje 10 (deset) pčelinjih zajednica/košnica na svom ili zakupljenom imanju.

Visina poticaja će iznositi 11,00 KM/košnici, a Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista stoke i lista korištenja zemljišta iz RPG-a i RK-a;
- Dokaz o vlasništvu nad parcelom ili ugovor o zakupu/korištenju zemljišta na kome su postavljene košnice za ispašu, ukoliko se isti dokaz ne nalazi već u dosijeu RPG i RK;
- Potvrda od strane Udruženja pčelara da je član istoga, sa navedenim brojem košnica;
- Dokaz - Privitak V i priznanica o izvršenoj usluzi kliničkog pregleda košnica izdata od strane JP „Veterinarska stanica“ d.o.o. Maglaj;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

1.3. PERADARSTVO (PROIZVODNJA KONZUMNIH JAJA) (Javni poziv)

Pravo na poticaj imaju poljoprivredni proizvođači konzumnih jaja sa područja općine Maglaj koji svoju djelatnost obavljaju kao registrirani obrt – srodna djelatnost.

Visina poticaja će iznositi 0,15 KM/koki nosilici, a Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar klijenata (RK);
- Potvrda od strane JP“Veterinarska stanica“doo Maglaj ili drugog nadležnog organa o broju koka nosilica u jatu;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2. BILJNA PROIZVODNJA

2.1. PLASTENIČKA I STAKLENIČKA PROIZVODNJA (Javni poziv)

Pravo na poticaje imaju poljoprivrednici koji zasnuju bilo koji vid intezivne biljne proizvodnje (rasadničarstvo, povrtnarstvo, cvjećarstvo i dr.) u plastenicima i staklenicima na vlastitom zemljištu i/ili zemljištu zakupljenom od strane drugih lica, na području općine Maglaj.

Poticati će se proizvodnja zasnovana u plastenicima i staklenicima na minimalnoj površini od 200 m². Podrška za navedenu proizvodnju u iznosu od 0,70 do 1,00 KM/1m² plastenika, a Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista korištenja iz RPG-a i RK;
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2.2. PROIZVODNJA JAGODIČASTOG VOĆA (Javni poziv) (malina, kupina, jagoda, i dr.)

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima malina, kupina, jagoda, i dr., od 1 dunuma i više.

Visina poticaja za navedenu proizvodnju u iznosu od 0,10 do 0,15 KM/1 kg otkupljene količine od strane registriranog otkupljivača. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Dokaz o predanoj količini od strane registriranog otkupljivača;
- Zapisnik nadležne općinske službe o utvrđenom činjeničnom stanju na terenu.

Za ostvarivanje poticaja potrebno je da se od strane registriranog otkupljivača odnosno prerađivača dostavi ovjeren spisak poljoprivrednih proizvođača sa područja općine Maglaj, sa navedenim isporučenim količinama jagodičastog voća.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2.3. UZGOJ KRASTAVCA KORNIŠONA (Javni poziv)

Pravo na podršku u ovoj proizvodnji imaju poljoprivredni proizvođači koji su zasnovali proizvodnju krastavca kornišona od 0,05 ha (0,5 dunuma) i više.

Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba.

Visina poticaja za navedenu proizvodnju na površinama od 0,5 – 1 dunuma se množi sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25. Iznos poticaja po 1 (jednom) dunumu iznosi 100 KM.

Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava/ (RPG) i Registar klijenata (RK);
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2.4. UZGOJ PAPRIKE FEFERONA (Javni poziv)

Pravo na podršku u ovoj proizvodnji imaju poljoprivredni proizvođači koji su zasnovali proizvodnju feferona od 0,05 ha (0,5 dunuma) i više.

Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba.

Visina poticaja za navedenu proizvodnju na površinama od 0,5 – 1 dunuma se množi sa koeficijentom 1 (jedan), a za površine preko 1 dunuma zasađene površine se množe sa koeficijentom 1,25. Iznos poticaja po 1 (jednom) dunumu iznosi 100 KM.

Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista korištenja iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Potvrda banke o aktivnom računu podnosioca zahtjeva
- Zapisnik općinske službe o utvrđenom činjeničnom stanju.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2.5. PROIZVODNJA KUKURUZA (SILAŽNI I MERKANTILNI) ZA TOV JUNADI, UZGOJ SVINJA I TOV BROJLERA (Javni poziv)

Pravo na poticaje imaju korisnici koji zasnuju proizvodnju kukuruza (merkantilni ili silažni) na vlastitom zemljištu i/ili zemljištu zakupljenom od strane drugih lica na području općine Maglaj, na minimalnoj površini od 1 ha (10 dunuma). Podrška za navedenu proizvodnju iznosi 15,00 KM/dunumu, a Javni poziv za navedenu proizvodnju će biti objavljen u 2019. godini.

Za ovu vrstu poticaja se mogu prijaviti poljoprivredni proizvođači koje se bave tovom junadi, svinja i brojlera, a koji istu dokazuju listom stoke iz Registra poljoprivrednih gazdinstava/gospodarstava i Registra klijenata.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista stoke i lista korištenja zemljišta iz RPG-a i RK-a;
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

2.6. PROIZVODNJA ARONIJE I BOROVNICE (Javni poziv)

Pravo na podršku u ovoj proizvodnji imaju poljoprivrednici koji zasnuju poljoprivrednu proizvodnju na zasadima aronije i borovnice, od 1 dunuma i više.

Visina poticaja za navedenu proizvodnju je u iznosu od 100,00 KM/dunumu zasađenih površina. Zasnovana poljoprivredna proizvodnja može biti na vlastitom zemljištu i/ili zemljištu zakupljenom ili dobivenom na korištenje bez naknade od drugih osoba. Javni poziv za navedenu proizvodnju će biti objavljen u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar poljoprivrednih gazdinstava/gospodarstava (RPG) i Registar klijenata (RK);
- Lista korištenja zemljišta iz RPG-a i RK-a;
- Dokaz o vlasništvu nad parcelom i/ili ugovor o zakupu/korištenju zemljišta na kome je zasnovana proizvodnja ukoliko se isti dokaz ne nalazi već u dosijeu RPG-a i RK-a;
- Zapisnik nadležne općinske službe o utvrđenom činjeničnom stanju na terenu.

Visina poticaja može biti i manja po jedinici mjere, zavisno od broja zaprimljenih i odobrenih zahtjeva.

3. SUFINANSIRANJE PROJEKATA - PROGRAMA IZ OBLASTI POLJOPRIVREDE, EDUKATIVNA PUTOVANJA I ORGANIZIRANI POSJETI SAJMOVIMA

Podrška se odobrava zemljoradničkim zadrugama i udruženjima poljoprivrednika s područja općine Maglaj na osnovu vrijednosti apliciranih projekata - programa.

Projekti - programi moraju biti isključivo vezani za poljoprivrednu proizvodnju i ruralni razvoj.

Jednoj zadrugi ili udruženju može biti odobreno sufinansiranje samo jednog projekta - programa u visini do 1.500,00 KM u 2019. godini.

Za ostvarivanje navedenog poticaja neophodna je sljedeća dokumentacija:

- Zahtjev za ostvarivanje navedenog poticaja;
- Potvrda o upisu u Registar klijenata (RK);
- Poslovni plan ili projekt-program (sa finansijskom strukturom) i predračunom opreme;
- Dokaz o vlasništvu nad parcelom ili ugovor o zakupu/korištenju zemljišta na kome je zasnovana proizvodnja, ako se radi o poljoprivrednoj proizvodnji;
- Izvještaj o radu Udruženja/Zadruga za 2018.godinu;
- Završni račun za 2018. godinu;
- Plan rada u 2019.godini;
- Zapisnik nadležne općinske službe o utvrđenom činjeničnom stanju;
- Kopija tekućeg / žiro računa.

Visina poticaja može biti i manja zavisno od broja zaprimljenih i odobrenih zahtjeva.

Ovdje su predviđana i druga finansiranja u toku 2019. godine, a koja su usko vezana sa razvojem poljoprivrede na području općine Maglaj, kao što su organizirane posjete sajmovima, organizirane posjete proizvođačima i prerađivačima poljoprivrednih proizvoda na području Bosne i Hercegovine, i slično.

II. PROVEDBA POSTUPKA SA NAČINOM ISPLATE

Podnošenje zahtjeva se otpočinje po objavljenom Javnom pozivu, o čemu će poljoprivrednici biti informirani putem oglasne ploče i medija, izuzev poticaja za sirovo kravlje mlijeko koji se isplaćuju po dostavljenim ovjerenim spiskovima od strane otkupljiivača mlijeka po kvartalima, te nakon što se urade provjere donesi se odluka o isplati poticaja.

Podnošenje zahtjeva traje do rokova naznačenih u Javnom pozivu za svaku vrstu poljoprivredne proizvodnje posebno.

Podnošenje zahtjeva se obavlja putem prijemnog šaltera Općine Maglaj, a zahtjevi se podnose Službi za privredu, finansije/financije i razvoj poduzetništva.

Ispunjenost kriterija u svakom pojedinačnom slučaju i uviđajem na terenu, zapisnikom će utvrditi Komisija za poticaje imenovana od strane Općinskog Načelnika.

Krajnji rok za utvrđivanje činjeničnog stanja za svaku pojedinu kategoriju je 30 dana nakon završetka rokova za predaju zahtjeva.

Komisija će nakon isteka predviđenog roka za podnošenje zahtjeva za pojedine sektore poljoprivredne proizvodnje po Javnom pozivu sačiniti prijedlog korisnika, utvrditi visinu poticaja u skladu sa raspoloživim sredstvima za predmetne kategorije poljoprivredne proizvodnje i predviđenim iznosom po jedinici mjere, te isti dostaviti Općinskom načelniku koji donosi odluku o isplati poticaja.

U slučajevima gdje se Zapisnikom utvrdi da podnositelj zahtjeva nije ispunio jedan ili više kriterija, taj zahtjev se ne odobrava, vrši se njegovo arhiviranje i usmeno se obavještava podnositelj zahtjeva o razlozima neodobravanja poticaja.

Ponovno podnošenje zahtjeva u tekućoj godini za istu proizvodnju neće biti razmatrano od strane Komisije.

Ukoliko se u realizaciji Programa utvrde podnositelji zahtjeva za poticaje koji pokušavaju prevariti Komisiju pružanjem netačnih podataka, te osobe će biti isključene iz programa poticaja naredne dvije godine.

Napomena:

- **Ukoliko zbog nedostatka sredstava u Budžetu/Proračunu Općine Maglaj, ili nekih drugih razloga, ne mogne doći do realizacije ovih mjera poticaja, Općina Maglaj će nastojati istu mjeru podržati iz sredstava donacija ili nekih drugih programa pomoći koji se budu realizirali na području općine Maglaj, a kako bi se strateški podržala i unaprijedila poljoprivredna proizvodnja.**
- **Planirani iznosi poticaja mogu biti i izvan utvrđenih iznosa, u zavisnosti od stanja punjenja budžeta općine Maglaj u 2019. godini.**

Broj:
Datum:

PREDSJEDAVAJUĆA OV
Svjetlana Zamboni

O b r a z l o ž e n j e

Općinsko vijeće Maglaj Zaključkom broj: 02-05-1-232-10/19 od 11.02.2019. godine na svojoj 24. redovnoj sjednici prihvatilo je Nacrt Programa poticaja u poljoprivrednoj proizvodnji općine Maglaj za 2019. godinu, i istim Nacrt Programa uputilo u javnu raspravu.

Organizator javne rasprave je Služba za privredu, finansije/finansije i razvoj poduzetništva. Zaključkom je definisano da Javna rasprava bude otvorena u trajanju od 30 dana.

Cilj javne rasprave o Nacrtu Programa poticaja u poljoprivrednoj proizvodnji općine Maglaj za 2019. godinu bio je da se doprinese njegovom poboljšanju, kako bi Služba za privredu, finansije/finansije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa.

Poziv za Javnu raspravu sa Nacrtom Programa objavljen je 15.02.2019. godine putem RTV Maglaj, web stranice Općine Maglaj, oglasne ploče Općine, direktnog poziva putem 20 MZ-a na području općine, 3 zemljoradničke zadruge, 12 udruženja građana poljoprivrednih proizvođača i Biroa rada Maglaj. Nacrt Programa je bio dostupan i u Općini Maglaj na prijemnom šalteru Općine i u kancelariji broj 40.

Na Javnu raspravu pozvani su poljoprivredni proizvođači, nosioci poljoprivrednih gazdinstava, predstavnici zemljoradničkih zadruga i udruženja građana poljoprivrednih proizvođača, kao i ostali građani koji smatraju da mogu pomoći u procesu davanja primjedbi i prijedloga na Nacrt Programa poticaja u poljoprivrednoj proizvodnji općine Maglaj za 2019. godinu.

Javna rasprava održana je dana 06.03.2019. godine sa početkom u 12,00 sati u sali Općinskog vijeća Maglaj (Dom kulture "Edhem Mulabdić"). Na javnu raspravu se odazvao 41 učesnik, i tokom Javne rasprave prisutnima se pružila mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta.

Dana 18.03.2019. godine u zgradi Općine Maglaj organizovan je zajednički sastanak Komisije općinskog vijeća za poljoprivredu, vodoprivredu i šumarstvo i Službe za privredu, finansije/finansije i razvoj poduzetništva kao predlagača Programa. Na sastanku su prezentovani rezultati provedene Javne rasprave i upoznati članovi Komisije sa prijedlozima, primjedbama i sugestijama koje su iznesene tokom Javne rasprave.

U skladu sa navedenim, Komisija je predložila da se uvažavaju sljedeće prijedlozi:

- **Proizvodnja sirovog kravljeg mlijeka** - Predloženi iznos poticaja iz ranijih godina od 0,10 za svaku litru predanog sirovog kravljeg mlijeka, koji su predali mlijeko registriranom prerađivaču, podražava i Komisija tako da isti ostaje i u 2019. godini na istom nivou.
- **Pčelarstvo (proizvodnja meda)** - Prijedlog Komisije je da u 2019. godini iznos podrške po košnici bude 11 KM, a da minimalan broj košnica i dalje ostane 10 košnica. U 2018. godini iznos podrške po košnici je bio 10 KM, a minimalan broj košnica je bio 10 košnica.
- **Proizvodnja konzumnih jaja kod registriranih proizvođača registrovanih kao obrt** - Prijedlog Komisije je da se dijelomično uvaži podneseni zahtjev da u 2019. godini iznos podrške bude 0,15 KM/koki nosilici, umjesto dosadašnjih 0,10 KM/koki nosilici.
- **Plastenička i staklenička proizvodnja** - Prijedlog Komisije je da u 2019. godini iznos poticaja za plasteničku i stakleničku proizvodnju bude na nivou iz 2018. godine, odnosno u iznosu od 0,70 do 1,00 KM/m².

- **Proizvodnja krastavca kornišona** - Prijedlog Komisije je da visina poticaja za ovu proizvodnju u 2019. godini bude na nivou iz 2018. godine, odnosno da visina poticaja za navedenu proizvodnju na površinama od 0,5 – 1 dunuma se množi sa koeficijentom 1 (jedan), a za površine preko 1 dunuma površine se množe sa koeficijentom 1,25. Iznos poticaja po 1 (jednom) dunumu iznosi 100 KM.
- **Proizvodnja paprike feferona** - Prijedlog Komisije je da visina poticaja za ovu proizvodnju u 2019. godini bude po principu za proizvodnju krastavca kornišona, odnosno da visina poticaja za navedenu proizvodnju na površinama od 0,5 – 1 dunuma se množi sa koeficijentom 1 (jedan), a za površine preko 1 dunuma površine se množe sa koeficijentom 1,25. Iznos poticaja po 1 (jednom) dunumu iznosi 100 KM. – Novi poticaj.
- **Proizvodnja jagodičastog voća** - Prijedlog Komisije je da se u 2019 godini ovaj vid proizvodnje podrži u iznosu od 0,10 do 0,15 KM/kg.
- **Proizvodnja kukuruza** - Prijedlog Komisije je da u 2019 godini ovaj vid proizvodnje bude na nivou 15,00 KM/ dunumu, za zahtjeve od 10 dunuma (1 ha) i više, umjesto dosadašnjih 10,00 KM/ dunumu.
- **Proizvodnja aronije i borovnice** – Prijedlog Komisije je da visina poticaja za navedenu proizvodnju bude u iznosu od 100,00 KM/dunumu zasadenih površina.
- Prijedlog Komisije je da se u 2019. godini **poticaj može ostvariti i po dva osnova** kod poljoprivredne proizvodnje za sljedeće vrste biljne proizvodnje: maline, krastavci-kornišoni, paprika feferon, aronije, borovnice i plastične proizvodnje, kombiniranjem proizvodnje dvije od navedenih kultura. Za sve ostale proizvodnje poticaj se ostvaruje samo po jednom osnovu ovog Programa.
- **Za poljoprivredne proizvođače koji se bave biljnom proizvodnjom (izuzev proizvodnje kukuruza - silažni i merkantilni), a koji su registrovani po Zakonu o obrtu i srodnim djelatnostima u Federaciji BiH, kao i d.o.o., uvodi se koeficijent od 1,1 koji se množi kod isplate poticaja.**
Isto će se primjenjivati i za sve one koji se u toku godine odluče na registraciju obrta za fizička lica ili za pravna lica registrovana kao d.o.o. do objave javnih poziva, s tim da se poticaj za poljoprivrednu proizvodnju ne može isplaćivati retroaktivno. Dokaz koji služi kao osnova za obračun i isplatu je obavezno prilaganje rješenja o registraciji djelatnosti kao obrta odnosno sudskog rješenja (za d.o.o.) kod prijave na javni poziv.

U skladu sa navedenim Služba za privredu, finansije/finansije i razvoj poduzetništva Općine Maglaj Općinskom vijeću Maglaj dostavlja dokument Prijedloga Programa poticaja u poljoprivrednoj proizvodnji općine Maglaj za 2019. godinu.

OBRADIVAČ:
Služba za privredu, finansije/finansije

